

Transkription von Stadtbucheintrag BLN 1409a

Ort, Datierung: Berlin, 1409-06-22

Signatur: Landesarchiv Berlin, Stadtbuch, x recto (132r), 4. Eintrag

Inhalt: Rat der Stadt Berlin: Rentenbrief

Vor alle guden luden di dessen / Briff sin odder ho(r)en lesen (et cetera) / Beken(n)e wy , Ratman(ne)
der stad / Berlin olt vnd(e) ny^e vor vns vn(de) / vor alle vnse nakomelinge / jn vns(e)n rade , dat wy
hebbe(n) / vor kofft vn(de) vor kope(n) met / kraffte des briffes mit ganczer / eyndracht Seue(n) scok
gewone/liker Beymesch(er) g(roschen) preg(er)sche / mu(n)te , deme vorsichtige(n) pet(er) / Czisik
Borg(er) tu Berlin vnd(e) / alleit siner eliken husfrowe(n) / vnd(e) jacob rydder ¹ thu irre twig(er) / liue
vor dry vnd sestich scok / beymisch(er) g(roschen) p(re)g(er)sche mu(n)te , dy / sy vns gancz betalet
hebben / vnd wy si gekeret vnd ge/wandet hebbe(n) in vns(er) stad nud / vnd(e) frome , vnd(e) dy
sulue(n) Se/uen schok yerliker rente ge/loue wy den vorgnante(n) pet(er) / Czisike(n) vnd(e) alleide
alle yar / tu geue(n) vp sunte joh(annes) bap^{t(isten)} / dage von vns(er) stad radhus / Nu thu sunte
joh(annes) dage ouer / eyn yar an thu geue(n)de , vnd(e) / den vort von yare tu yare / dy wyle dat dy
vorbenūmede(n) / twe leue(n) , weret auer nach den wille(n) godes dat pet(er) vnd(e) alleid vorgna(n)d
/ ir sterffen , vnd(e) jacob rydd(er) . Czisilkes fedder legg(er) leuede , so schole ² wy / den jacob rydder
geue(n) ses schok g(roschen) vp dy tijt als vorgeschreue(n) steit / wen auer dy vorgnante(n) dry
gestorffen , so schole(n) dy renthe wedder / ledich vnd(e) los sterffen , (et cetera) dat^{u(m)} Anno
d(o)m(ini) m^o cccc ix^o sab(bato) an(te) / Joh(annes) bap(tisten) /

¹ "vnd(e) jacob rydder" durchgestrichen

² übergeschrieben